

Edificio di Biblioteca Nacional di Aruba ta pesimo segun trahadonan

Trahadonan ta fada di condicion malo di edificio y ta den estado di alerta si no haci algo lihe

Minister no ta reaccionando na nan peticion pa drecha e lugar

ORANJESTAD - No ta un biaha, pero hopi biaha caba sindicato S.E.P.P.A. a mostra riba e situacion na Biblioteca nacional Aruba. SEPPA a mostra riba e infraestructura deficiente, na unda ta papia di e dak cu ta lek cu un risico grandi pa kortsluiting y candela. Tambe ta muestra riba dañonan na tapijtnan, murayanan y plafondnan cu ta simplemente kita cay cu tur risico.

Den caso di yobida esaki ta trece problemanan serio pa edificio di Biblioteca Nacional Aruba. Plafond ta kita cay y sushi ta basha bin abao (mientras cu esnan anterior no a ser drecha mes!). Ciertu momento a hasta surgi

problema cu coriente cu tabata bay bin. Tabatin momento cu hasta e hall di Biblioteca Nacional tabata full bao awa, te yena e computer room y e studiezaal patras tambe tabata un desaster, na unda tapijtnan tabata full bao awa cu ta saca un holo stinki. E situacion na Biblioteca Nacional ta malisimo, cual SEPPA a pidi atencion di Ministro ya desde november 2009 y den e aña 2010 a sigui pidi atencion pero cu te ainda no ta hasiendo nada na esakinan. Trahadornan ta hopi fada. Esaki no ta lugar ni ambiente pa traha aden. Kizas akinan tambe e intencion ta pa laga tur cos keda pega of dañá pa mayan muestra cu Biblioteca Nacional Aruba no ta importante pa nos pais?? S.E.P.P.A hunto cu



trahadornan di Biblioteca Nacional Aruba ta alerta pa cu e intencionnan cu e departamento importante aki.